

**Avanersuarmi inuussutissarsiutinik inerisaanissamut siunertalimmik
periusissiorinissamut, ilaatigut qaammarsaassutinik pikkorissaanernillu
imaqartussamik UKA2026-mut suliaqaqqullugit, Naalakkersuisut
peqquneqarnissaannik Inatsisartut aalajangiiffigisassaattut siunnersuut**
[Inatsisartunut ilaasortaq, Lars Poulsen, Siumut]

Akissuteqaat

(Inuussutissarsiornermut, Aatsitassanut, Nukissiutinut, Inatsisit Atuutsinneqarnerannut Naligiissitaanermullu Naalakkersuisoq)

Aappassaaneerineq

Inuussutissarsiornermut Aatsitassanullu Ataatsimiititaliap isumaliutissiissutaanut, amerlanerussuteqartullu allannguutissatut siunnersuutigisaannut Naalakkersuisut sinnerlugit qujavunga.

Isorliunerusuni ineriartortitsivigissallugit pisariaqartuni aallarnisaasunik, inuussutissarsiutinillu ineriartortitsineq; aallarnisaaneq, inuussutissarsiutinillu siuarsaaneq pillugu nuna tamakkerlugu Naalakkersuisut periusissiassaanni immikkut immikkoortutut ilaatinneqarnissaanik, amerlanerussuteqartut inassutigisaannut Naalakkersuisut isumaqataapput. Tamanna pingaarnertut pingaartitatut ilanngunneqassaaq.

Ataatsimiititaliaq assigalugu Naalakkersuisut nalilerpaat, piffissaliussatut kissaatigineqartup aamma aningaasatigut naatsorsuutigisamik sinaakktissat iluini siunnersuut naammassineqarsinnaassasoq.

Taamak oqaaseqarlunga Naalakkersuisut inassutigaat, siunnersuut akuersissutigineqassasoq.